



55. Körfuknattleiksping | 25. mars 2023

Pingskjal nr. 12b – Breytingartillaga við þingskjöl 12 og 13

Breytingatillaga við þingskjöl 12 og 13.

22. grein ÚRVALSDEILD KVENNA

Keppni úrvalsdeildar fer fram í tveimur hlutum; deildarkeppni og úrslitakeppni. Fyrstu drög að leikjaniðurröðun skulu liggja fyrir eigi síðar en í lok júní. Mótanefnd skal gefa út leiktíma fyrir 1. júlí ár hvert, annarsvegar á virkum dögum og hins vegar um helgar. Mótanefnd er þó heimilt að víkja frá þessu vegna beinna sjónvarpsútsendinga.

a) Deildarkeppni

Deildin skal skipuð 8 liðum, en önnur lið leika í 1. deild. Leikin skal fjórföld þreföld umferð. Þar sem allir mæta öllum. Í fyrstu tveimur umferðunum leikur hvert lið innbyrðis heima og að heiman gegn hverju hinna. Þriðja umferðin er alveg eins og fyrsta umferðin. Lið raðast í lokastöðu deildarinnar samkvæmt reglum FIBA, ef reglugerð um körfuknattleiksmót kveður ekki á um annað. Liðið í efsta sæti að lokinni keppninni hlýtur sæmdarheitið deildarmeistari og skal fá afhentan eignabíkar. Neðsta lið deildarinnar að lokinni deildarkeppni fellur í 1. deild og leikur þar á næstu leiktíð. Næstneðsta lið deildarinnar (7. sæti) tekur þátt í umspilsleikjum um áframhaldandi veru í efstu deild ásamt liðunum sem enduðu í öðru, þriðja og fjórða sæti 1. deildar.

Að lokinni deildarkeppni hefst úrslitakeppni með þátttöku liðanna í fjórum efstu sætum deildarinnar. b) Úrslitakeppni Í úrslitakeppninni skiptast andstæðingar í hverri viðureign á að leika á heimavelli og ávallt er byrjað á heimavelli þess liðs sem ofar varð í deildarkeppninni. Um tekjuskiptingu gilda sömu reglur um tekjuskiptingu í Íslandsmóti. Heimalið ber allan kostnað vegna dómara. Allan annan útlagðan kostnað sem liðin verða fyrir greiða þau sjálf.

Undanúrslit:

1) Lið nr. 1 – Lið nr. 4

2) Lið nr. 2 – Lið nr. 3

Hver viðureign stendur yfir þar til annað liðið hefur sigrað í þremur leikjum.

Úrslit:

Sigurvegari úr nr. 1 - Sigurvegari úr nr. 2

Úrslitaviðureignin stendur yfir þar til annað liðið hefur unnið þrjá leiki og telst það lið Íslandsmeistari í úrvalsdeild kvenna í körfuknattleik og skal fá afhenta farandbikar og eignabíkar.

Vísað til: Allsherjarnefndar Fjárhagsnefndar Laga- og leikreglnanefndar
Afgreitt: Samþykkt óbreytt Samþykkt með breytingum Felld



55. Körfuknattleiksþing | 25. mars 2023

Pingskjal nr. 12b – Breytingartillaga við þingskjöl 12 og 13

Um tekjuskiptingu í úrslitum gilda reglur um tekjuskiptingu í Íslandsmóti. Heimalið ber allan kostnað vegna dómara (komi til oddaleiks). Allur annar útlagður kostnaður sem liðin verða fyrir greiða þau sjálf.

23. grein

1. DEILD KVENNA

Deildin skal skipuð þeim liðum sem ekki eiga sæti í úrvalsdeild.

Þeim sjö leikmönnum sem leikið hafa flestar mínútur að meðaltali fyrir A-lið hverju sinni er ekki heimil þátttaka með B-liði. Sjö mínútuhestu leikmennirnir að meðaltali þurfa að vera núverandi leikmenn félagsins. Ekki skal telja þá leikmenn með sem sannarlega hafa skipt um félag eða eru farnir frá félagi sem hluta af þessum sjö mínútuhestu leikmönnum. Séu tveir eða fleiri leikmenn með jafn margar mínútur í 7. sæti í mfl. kvenna A-liða, er ekki heimilt að nota annan þeirra með B-liði (og C-liði o.s.frv.).

a) Deildarkeppni

Mótanefnd KKÍ ákveður keppnisfyrirkomulag deildarinnar hverju sinni með tilliti til fjölda þátttökuliða og getur skipt deildinni upp í 1. og 2. deild, verði fjöldi þátttökuliða 13 eða fleiri.

Mótanefnd er heimilt að veita B-liðum þátttökurétt í 1. deild kvenna. B-lið skulu leika sem gestalið og geta ekki færst upp um deild. Þau geta borið sigur úr bótum í deildinni en keppa ekki í úrslitakeppni deildarinnar. Liðið í efsta sæti að lokinni deildarkeppni hlýtur sæmdarheitið deildarmeistari og skal fá afhentan eignabikar **ásamt því að færast beint upp í úrvalsdeild.**

Að lokinni deildarkeppni hefst **umspilskeppni með þátttöku liðanna í sætum tvö, þrjú, fjögur og liðinu sem lenti í sjöunda (næstneðsta) sæti í úrvalsdeild. fjögurra efstu A-liða deildarinnar.**

Úrslitakeppni **Umspil um sæti í efstu deild**

Í úrslitakeppninni **umspilskeppni** skiptast andstæðingar í hverri viðureign á að leika á heimavelli og ávallt er byrjað á heimavelli þess liðs sem ofar varð í deildarkeppninni – **liðið sem kemur í keppnina úr úrvalsdeild byrjar á heimavelli.** Um tekjuskiptingu gilda sömu reglur um tekjuskiptingu í Íslandsmóti. Heimalið ber allan kostnað vegna dómara, en allan annan útlagðan kostnað sem liðin verða fyrir greiða þau sjálf.

Undanúrslit:

Vísað til: Allsherjarnefndar Fjárhagsnefndar Laga- og leikreglanefndar
Afgreitt: Samþykkt óbreytt Samþykkt með breytingum Felld



55. Körfuknattleiksþing | 25. mars 2023

Þingskjal nr. 12b – Breytingartillaga við þingskjöl 12 og 13

- 1) Lið nr. 1 **Lið úr úrvalsdeild** – Lið nr. 4
- 2) Lið nr. 2 – Lið nr. 3

Hver viðureign stendur yfir þar til annað liðið hefur sigrað í þremur leikjum.

Úrslit um sæti í úrvalsdeild: 3) Sigurvegari úr nr. 1 – Sigurvegari úr nr. 2

Liðin sem leika til úrslita um sæti í úrvalsdeild leika þar til annað liðið hefur unnið þrjá leiki og hlýtur sigurvegarinn sæti í úrvalsdeild.

Ef fleiri en átta (8) A lið félaga taka þátt í 1. deild kvenna skal mótanefnd ákveða form **umspilskeppninnar** úrslitakeppninnar.

Greinargerð í tengslum við breytingar á 22. grein og 23. grein

Núverandi keppnisfyrirkomulag í úrvalsdeild kvenna býður upp á of mikið leikjaálag og einhæfni. Liðin eru a.m.k. að spila fjórum sinnum við hvert annað en úrslitakeppni og bikarkeppni gera það að verkum að stundum eru leikirnir 10 sem lið geta mætt hvort öðru. Leikmenn í efstu tveimur deildunum hafa verið að yngjast talsvert og þannig eru leikmenn yngri en 20 ára 44% allra íslenskra leikmanna í úrvalsdeild miðað við 29% tímabilið 2017 til 2018. Leikmenn eru jafnvel enn yngri í 1. deildinni. Þetta kallar á mikið álag á unga leikmenn sem flestir leika með einum eða fleiri yngri flokkum auk þess að spila með meistaraflokki. Annað sem situr á hakanum í núverandi fyrirkomulagi eru tækniæfingar og einstaklingsmiðaðar æfingar.

Varðandi neðri hluta úrvalsdeildarinnar að þá býður núverandi fyrirkomulag upp á þann freistnivanda að lið kasti inn handklæðinu of fljótt en vita þó að þau eru ekki að fara að falla. Með því að sjöunda sætið gæti þýtt fall er líklegra að það dragi úr þeirri freistingu að senda t.d. erlendan leikmann of fljótt heim o.s.frv. Það ætti að styrkja deildina sem því miður hefur verið of sveiflukennnd sl. ár.

Liðið sem sigrar 1. deildina fer beint upp karla megin og það er góður bragur á því að það sé eins kvenna megin. Deildarmeistaratitill öðlast meira vægi með þessu og önnur lið í deildinni hafa að meiri að keppa líka þegar það opnast möguleiki á því að tvö lið geti þannig farið upp.

Grímur Atlason

Vísað til: Allsherjarnefndar Fjárhagsnefndar Laga- og leikreglanefndar
Afgreitt: Samþykkt óbreytt Samþykkt með breytingum Felld